

## Summary:

- [Leano la Diphetogo](#)
- [Go tsenngwa tirisong ga Setatute](#)
- [Tiragatso ya Tekanyetsokabo](#)
- [Dintlatabagano tsa boditshabatshaba tsa Tlathlhubo ya Dipatlisiso](#)
- [Diphithelole tsa metshameko le Setso](#)
- [Dikgwetho mo dikgweding tse di latelang](#)

## Badirammogo

Mo lekwalong la Phatwe ke tlhalositse dikgwetho dingwe go fitlha mo bofelong jwa ngwaga ( go akarediwa kgatelopele ka go tokafatsa manaane a dithuto mmogo le ditlhopho tsa makgotlakamedi a baithuti mo dikhamphaseng tse di farologaneng le go tlhama semolao lekgotlakamedi la setheo ). Dingwe tsa tse di tswelotse go nna dikgwetho (jaaka go tlhama semolao lekgotlakamedi la setheo la baithuti). Le fa go nnile le kgatelopele mabapi le dintlha tse di jaaka kamogelo le ponelopele, ditlhokwa le dipego tsa maitlhommo, mmogo le leanokakanywa(la dingwaga tse tharo) go sa ntse go tlhokega go dirwa ka thata go neela yunibesithi ya rona popego e e rileng. Go tlaleletsa, fa bolaodi ba setheo bo tlhagisa leanokakanywa la yunibesithi kwa Khanseleng ka la 25 Seetebosigo 2005, Khansela e ne ya swetsa go se le amogele ka nako eo, fela ya kopa Leanothabololo le lengwe, leo le neng le itebaganya le dintlha tse di jaaka tekatekano ya thapo, bolaodi jwa dithuto mmogo le letshwao la kopano.

## Leano la Diphetogo (Transformation Plan)

### Lemorago

Leanokakanywa la Diphetogo ga jaana le sekasekwa ke Senata, Foramo ya Nakwana ya Setheo, Boladi jo Bogolwane, Dikomiti tsa Khansela tse di Maleba, mmogo le Khansela (2-3 lwetse). Morago ga kopano, ditlamorago tsa kopano e, Leano le le kopantsweng la Setheo ( go akarediwa dintlha tsa diphetogo) di tla tlhagiswa kwa kopanong ya Khansela go letlelewa le go amogelwa mo kopanong e e rulaganyeditsweng go nna teng ka la 23 Lwetse 2005.

Maikaelelokakaretso a leano la diphetogo ke go ithaganisetsa tiragalo ya momagano go tlisa kopano, tekatekano le diphetogo tse di tswelotse. Momagano e e boteng e e solofetsweng e tla fitlhelwa fela fa ditlhaloganyo le maitsholo a botlhe ba ba amegang mo NWU a fetogile, mmogo le ponelopele, ditlhokwa le pegelo ya maitlhommo a NWU.

Dintlha tse di lateleng di sekegelwa Mo Leanong La Diphetogo.

### Logo (Letshwao la Boitshupo)

Morago ga dipatlisiso tse di tseneletseng (go akarediwa le pegelo go tswa go baitseanape ba tsa tlhaeletsano), Bolaodi ba Setheo (IM) bo sisinya gore

Letshwao (logo) la nakwana (dimomagano di le pedi tsa diketane) le nne logo ya leruri ya NWU. Le na le popego e e bonolo mme le tswelotse go nna ntlha e e tlhaolegang go gaisa ya logo kgotsa brand.

Jaanong ka ntlha ya gore brand e e ithomile ka boyona mme re tsena mo nakong eo e leng gore go gatelelwa matshwaonyana a a bontshang kopano, matshwao a diyunibesithi tse pedi tsa maloba ga a sa tlhole a diriswa le letshwaolegolo. Go tswelotse go dirisa matshwaonyana a diyunibesithi tsa maloba e ne e le fela tiragalo ya go fetogela mo mokgweng o mošwa, o o neng wa neela logo e ntšhwa tšhono ya go ithoma jaaka letshwaolegolo. Letshwaolegolo le ga le reye gore jaanong re ikgatholosa tekanelo, kopano le tshwanologo. Tshwanologo ya khamphase nngwe le nngwe e sa ntse e tla lemogwa ka maina a a kgethegileng (jaaka “NWU Mafikeng”, “NWU Pukke” mmogo le “NWU Vaalpuke”)

Temana e e fa tlase ga tlhakakgolo, eo e tlhalosang momagano, e tshwanetse go tlogelwa /go se diriswe.

### Tekatekano ya Thapo

Botlhokwa ba diphetogo go ya ka maemo a ga jaana bo mo pontsheng. Ditheo tsotlhe tsa Aforika Borswa di tshwanetse go bontsha lotso, bong, le bogole ba batho ba naga ba akareditswe.

Maikaelelomagolo a togamaano ya tekatekano ya thapo ke go fitlhelela thulaganyo ya badiri e e lekalekanang le fa e tshwanologile mo NWU le mo dikhamphaseng tsa yona. Mo lebakeng le, go bonolo go bua fa seo se sa kgonege kgotsa go le thata go se fitlhelela (Sekao sa kwa Wits), fela re tla amogela kgwetlho eo mme ra dira ka natla go fitlhelela thulaganyo ya badiri e e lekalekanang mo NWU le mo dikhamphaseng tsa yona. Re dumela gore go a kgonagala go re re se latlhegelwe ke maikaelelo a rona a fa re ntse re tswelutse go tokafatsa tekatekano le diphetogo.

Fela go ya ka [setshwantsho](#) se se fa tlase, (go lebogwa Tony Manning) go mo pepeneneng gore NWU ga e kitla e tsaya tsela e e sa tlang mo dintlheng tse pedi tse di botlhokwa (“dedicated failures”). Ka go gatelela go dira ka katlego, re tla nna bafenyi ba nako e e fetileng” mme ka go ikgatholosa go dira ka natla mme re sekegetse diphetogo fela, re tla nna bao Manning a ba bitsang “new supremacists”, bao ba se nang bokgoni, maitemogelo le maatla a go dira (sengwe se se tshwanang le baetapele ba selegae ba bantsi gompiano). Mo Aforika borwa gompiano ga go na ka tsela e nngwe mme go nna babonelapele ba bašwa “new visionary”, ka go amogela le go diragatsa bobedi tiragatso le phetogo, katlego le tekatekano.

Togamaano ya tekatekano ya thapo (jaaka karolo ya leano la Tekatekano ya Thapo, go santse go rerisanwa ka lona mo tiragatsong ya go tswa tlase go ya godimo) e sekegela dintlha tse di mmalwa jaaka setšhaba sa rona, maemo a gajaana a ditšhelete a a solofetsweng a NWU, bodiri botlhe mo yunibesithi mmogo le mefuta ya badiri ba ba dirang mo yunibesithi.

Fa go ikaegilwe ka tse, togamaano e tlhoma ditlhologelelo tseo di fitlhelegang tsa tekatekano ya thapo mo NWU. Morago ga gore di amogelwe ke mekgatlho e e farologaneng le Khansele, matsapa a a akaretsang a tlhaeletsano a tla dirwa.

### **Bolaodi ba dithuto (Academic governance)**

Nngwe ya dikgwetlho tse ditona ke go fitlhelela tirisano mmogo mo bolaoding jwa dithuto go akarediwa go tokafatsa dithuto le dipatlisiso. Setatute se laela gore dikhamphase tseo di dirang jaaka diyuniti tsa kgwebo tseo di tlhamaletseng mme di na le bagokgo ba dikhamphase ba rwala maikarabelo a sengwe le sengwe seo se diragalang mo dikhamphaseng tse di rileng. Re akanya fa se e le sekai sa bolaodi se se gaisang, fela re lemoga gape gore go tlhokega ditirwana tse di rapameng le go tlhokega gape le mekgwa ya fetola manaane a dithuto, dipatlisiso le boleng. Seo ke se re itebagantseng le sona ga jaana. Thulaganyo ya phetolo e, e tshwanetse go dirwa ka mekgwa o o akaretsang ka gone e tla tlhaola mofuta le go tsenngwa tirisong ga tiro e tona ya NWU. Mo lebakeng le, senata se tla tshameka karolo e e masisi.

Mo ntlheng e tekatekanelo e e siameng magareng ga kopano le tshwanologo (kgotsa go isa mo bogareng le go tlosa mo bogareng) e botlhokwa thata. [Setshwantsho](#) se se latelang se laetsa botlhokwa jwa dikakanyo tse ka bobedi:

Go mo pepeneneng gore tshwanologo ya rona ga e a tshwanela go sotlwa ke ditiragalo tseo di sa tlang, ga di a tshwanela go latlhegelwa ke bong ba (khamphase) selegae ka go baya mo bogareng mme ya tlhoka tsamaiso ka go nna le dikarolwana. Karabo ke go leka go akaretsa bobedi kopano le tshwanologo, mo bogareng le eseng bogareng. Se e tla nna kaelo mo go tlhomeng bolaodi bo bo siameng ba dithuto.

### **Dipholisi, mekgwa le ditsamaiso**

Le fa go na le kagatelopele, ka la 23 Lwetse Khansele e tla be e amogetse dipholisi di feta 20, IM e simololotse ka go tlhaola dipholisi tsotlhe tseo di saletseng kwa morago, melao le ditsamaiso le go netefatsa gore tseo di elwe tlhoko.

### **Go tswakwa ga ditsamaiso.**

#### **Mokgwatsamaiso wa thekenoloji wa baithuti (Student IT system)**

Mokgwatsamaiso o montšhwa wa thekenoloji o tsentswe tirisong mo dikhamphaseng tsa Potchefstroom le Vaal Triangle mme le katiso e gaufi le go konosetswa. Kgato ya bobedi ke go tsenya tirisong mekgwa o kwa khamphaseng ya Mafikeng mmogo le katiso e e maleba. Letlha la go tsenya tirisong ke gaufi le bofelo jwa 2006 mmogo le mekgwatsamaiso ya HR le ya ditšhelete.

#### **Mekgwatsamaiso ya Thekenoloji ya Bolaodi ba Metswedi ya Botho le merero ya ditšhelete.**

Khansele e letleletse porojeke ya go tlhoma mekgwatsamaiso e mentšhwa ya Thekenoloji ya bolaodi jwa metswedi ya botho le merero ya ditšhelete go tšhegetsatsa Yunibesithi e ntšhwa ya Bokone-Bophirima jaaka setheo se se tletseng.

Mekgwatsamaiso e, e tla tsenngwa tirisong mo bofelong jwa 2006. Dipoelo tsa nakwana tsa porojeke e, e tla nna gore ditsamaiso tsotlhe tseo di amanang le bolaodi ba merero ya ditšhelete le metswedi ya botho bo tla fetolwa go nna jo bo tshwanang.(go nna maleba le mekgwatsamaiso ya Thekenoloji).

#### **Dikarata tsa phitlhelelo tsa badiri le baithuti**

IM, e thuswa ke Bakaedibagolo ba Merero ya Ditšhelete le Ditiragatso mo dikhamphaseng tse di farologaneng, e batilisa go fetolwa ga dikarata tsa phitlhelelo tsa badiri le baithuti ba Yunibesithi. Maikaelelo ke go nna le dikarata tseo di neelanang ka phitlhelelo ya dikhamphase tsotlhe le go nna le sebopego se se tshwanang.

### **Go tsenngwa tirisong ga Setatute**

Setatute sa NWU ke sediriswa sa go fitlhelela kopano mo NWU , mo dikgweding tse di tlang, go tla tlhomiwa ditheo tse di dintšhwa semolao. Ditheo tse “dintšhwa” e tla nna Senata, Foramo ya Setheo, Convocation (lekgotla la barutegi ba ba fetileng) mmogo le bolaodi ba yona mmogo le Boto ya Batshegetsikamatlole. Lekgotlakemedi la Baithuti la Setheo le lona le wela mo legorong le. Baithuti le Badiri ba tla itsiswe ka ditiragalo jaaka di phuthologa.

### **Tiragatso ya Tekanyetsokabo**

Tiragatso ya go tlhomamaisa tekanyetsokabo ya 2006 e e sisintsweng go tlhagisetswa Khansela kwa kopanong ya Ngwanatsela e tsentsa tlhako kgamelong mo dikhamphaseng tsotlhe ka thuso ya kantoro ya Setheo. Go bolaodi jwa dikhamphase (go akaretswa ditlhogotona, bakaedi le ditlhogo tsa mafapha), e ke nako ya kgatelelo e tona, fela ke solofela fa re tla nna le botlhale ba go mekamekana le dintlha tsa metswedi ya madi e e seyong go tswa kwa Pusong le tlhokego ya go tokafatsa tirokgolo ya rona. IM e tla tsaya ditshwetso ka tekanyetsokabo mo bogareng jwa Diphallane, mme morago ga seo e tla fetesediwa go Komiti ya Ditšhelete ya Khansela. Tekanyetsokabo e tla bontsha dintlha tse di masisis jaaka di tlhagelela mo Leanong la Setheo.

### **Dintlatabagano tsa boditšhabatšhaba tsa Tlhatlhobo ya Dipatlisiso (International evaluation of Research Focus Areas)**

Tlhatlhobo ya kwa ntle ya Dikarolo tsa go lebelela patlisiso di le tlhano le katiso ya morago ga didikeri e diragetse kwa Khampaseng ya Potchefstroom go tloga ka 22-24 Phatwe. Panele ya batho ba bararo go tswa mo karolong e nngwe le e nngwe (go baletswe le ba ka kwa moseja) ba ne ba na le boikarabelo ba go dira tlhatlhobo e e neng e etetswe pele ke Moporof. Michael Gibbons Mokwaledimogolo wa pele wa Diyunibesithi tsa Commonwealth le Moh.Svava Bjarnason, Mokaedi wa Patlisiso le Togamaano kwa ACU. Ka jalo tlhatlhobo e ne e dirilwe ka mo tlase ga ACU.

Dikarolo tsa go lebelela patlisiso di ne di le:

Workwell: Yuniti ya Patlisiso ya Batho, Dipholisi le Tiragatso.  
Teoloji ya Reformed le tlhabololo ya merafe ka mo Aferika-Borwa.  
Tlhabololo ya Morafe e e Tswelelang  
Tlhabololo ya mo Morafeng wa Molaotheo wa Aferika Borwa.  
Yuniti Dipalo tsa Dikgwebo le Informatiki.

Ka nako ya go tlhalose diphitlhelelo tsa tlhatlhobo tsa molomo Moporof. Gibbons o rile gore batlhatlhabi ba ile ba ela tlhoko dipoletiki tsa go bopa sentshwa thutogodimo ka mo Aferika Borwa le go fetola thutogodimo jaaka go tlisitse le popo ya NWU. O tlhaloseditse gore tlhatlhobo e ya ngwaga e ke e e tsweleng pele e e simolotsweng kgale mo Yunibesithing e mme e agela pele mo tlhatlhobong ya ngwaga e e fetileng le mo go tse dingwe tse di dirilweng mo dinakong tse di fetileng. Tlhatlhobo e ne e eletse tlhoko ka lebaka la gore NWU e ikaeletse go nna Yunibesithi ya Mode 2. (Ka nako ya leeto Moporof. Gibbons, yo e leng moitsegotlhe le motlotlegi ka mo ntlheng e, o ile a ruta le didini le bakaedi ba patlisiso ka nako ya thuto ya setlhogo sa Diyunibesithi tsa Mode 2) Repoto e e kwadilweng e tla bonwa ka tshimologo ya Diphallane.

Dipanele di le tlhano di ila tsa tla ka diripoto tsa bone ka bongwe ka bongwe mme ba fa diphitlhelelo tsa bone go ya ka dikarolo tse di farologaneng tsa go lebelela patlisiso mme ba bolela mabaka a a farologaneng a a posetifi ka selelopele e e nnileng teng go tloga ka tlhatlhobo ya pele, boeteledipele bo bo tiileng, tlhokego e kgolo le boleng bo bo siameng. Le dikakanyo tse di bopang di filwe malebana le dikarolo tsa patlisiso. Tshekatsheko e e mosola ke go golela go ya go dirisana go feta ka mo ditšhabatšhabeng le gore go lekiwe gore go ne le tekatekanyo magareng a patlisiso le go ruta.

Ka mo kakaretsong ya ka gale Moporof. Gibbons mo boemong jwa batlhatlhabi o rile gore:

Ke tshwanelo gore go bopiwe setso sa patlisiso ka mo dikhampaseng tsotlhe tsa NWU le gore badirimmogo botlhe ba tlhaloganya yunibesiti ya Mode 2. Thata ba baswa ba tshwanetse go rutiwa se.

Thapo, go tshegetsatsa le go tlotla le go duela badirimmogo go botlhokwa thata. Go tshwanetse go nne go lekiwe go tlisa "madi a mantshwa".

Go ka tshegetsatsa boleng, go tshwanetse go simololwe go se leleke dipalo tsa baithuti le diathikele fela.

Yunibesiti e tshwanetse go lebelela dipholisi tsa go tlhatlhobela diPhD ka kwa ntle go tlhomamisa gore boleng jwa ditshabatshaba bo a fitlhelelwa mme bo a tswela.

Go tshwanetse go nne le tirisano mogo magareng a dikarolo tsa go lebelela patlisiso.

Tlhakatlhakano le go sa lekalekane go fa dikarolo tsa go lebelela patlisiso madi e tshwanetse go rarabolwa.

Thulaganyo e e thata ya tsamaiso e tlhokega ka mo leseding la tiro e kgologolo ya popo e ntshwa ka mo dikarolong tsa aketemi tsa mo Yunibesiting.

Tirisano mogo le ditheo tse di ka kwa ntle tsa patlisiso e tshwanetse go gatelelwa. Ditheo tse dingwe tsa kwa ntle di ne le bokgoni bo bogolo bo bo tshwanetseng go tlisiwa mo pele.

Tlhatlhobo ya boraro ya bofelo ya dikarolo tsa go lebelela patlisiso ka mo tikologong e akangwa ka Phatwe 2006.

### **Diphithlelelo tsa metshameko le Setso**

Mo kgweding e e fetileng, dithopha tsa rona tsa metshameko di dirile go tla seatla tota. Dikao di a latela:

Khamphase ya Mafikeng e sa tswa go tshwara Thonamnete ya 2005 SASSU Institutional Softball Tournament. Ditheo di le sometharo di ne di ikwadisitse mme setlhopha sa rona sa banna sa bona maemo a botlhano fa sa basadi se bone a boraro. Palogotlhe ya batshameki ba le bane go tswa mo Yunibesuthi e ne ya tlhophiwa go nna karolo ya setlhopha sa bosetshaba sa SASSU. Mokatisi wa basadi, Mooki Lobelo, o tlhophilwe go nna mokatisi wa bosetshaba wa basadi.

Setlhopha sa bolotloa kwa NWU Vaalpuke se tsere karolo mo thonamenteng ya SASSU kwa Motsekapa eo e neng e tshwerwe kwa University of Western Cape. Morago ga go fenywa karolo ya C mo ngwageng o o fetileng le go fetisediwa kwa karolong ya B, setlhopha sa rona sa basadi se fentse metshameko e le 6 ya ntlha, fela ka go tlhoka lesego sa fengwa ke UJ mo makgaolanganye.

Khamphase ya PUK le yona e dirile sentla thata mo dithonamenteng tse di farologaneng tsa SASSU. Setlhopha sa Karate se nne bommapodi lekgetlo la borataro ka tatelano. Setlhopha sa batabogi ba basadi le sa metshameko ya go itshidila bobedi di bone maemo a ntlha fa bolotloa le pluimbalspanne di bone maemo a bobedi, mme baithuti ba le bararo ba NWU-Pukke bao ba tlhophiweng go nna maloko a bolotloa ya SASSU. Bangwe ba babedi gape ba ne ba akarediwa mo setlhopheng sa go ikatisa sa kgwele ya dinao sa SASSU fa mogwe wa baithuti ba rona a tlhophilwe lekgetlo la bone go nna tokololo ya Duathlon Team go gaisana mo dikgaisanong tsa lefatshe tseo di tla tshwarelwang kwa Australia ka kgwedi ya Lwetse.

Godfrey Khotso Mokoena o boile go tswa kwa Helsinki a dule nomore wa bosupa. Jaanong jaana ke nomore ya ntlha ka mo tlolelakgakala le ka mo tlolelakgakala seraro mo Aferika Borwa mme o bonwa a le mo maemong a boraro mo lefatsheng.

Dikgathego tse di ne tsa salwa morago ke setlhopha sa ntlha sa NWU Pukke sa rakabi ka go ja setlhopha sa Yunibesiti ya Foreisetata ka Intervarsiti ya bo 63 ka palo e e kwa go dimo go feta hisitori ka 48 – 28. Go tswa mo metsamekong e e 30 tsa golf, hoki, netbolo, kgwele ya maoto le tenese NWU Pukke e tswaile mampodi mo go di le 23.

Re akgola batshameki ba rona botlhe!

### **Dikgwetlho mo dikgweding tse di latelang**

Go boeletsa, seo tota badiri ba rona ba ka se dirang ke go netefatsa gore re dira ka katlego mo go direng tirokgolo ya rona. Mo lefapheng le, ke rata go lo gopotsa lotlhe ka ga diphegelo le dithologelelo tseo re di tlhomileng kwa tshimologong ya ngwaga: e leng go itebaganya le kelo ya baithuti ba ba falolang mo ngwageng wa ntlha le go sekegela go diragatsa dipatlisiso.

Tiragatso ya ga jaana mabapi le leano la phetogo jaaka karolo ya Leano la Setheo e botlhokwa go gaisa. Khansele e tla tsaya tshwetso mabapi le se mo kopanong ya 23 Lwetse. Se, gankitla se re neela kaelo ya dingwaga tse di latelang fela, fela se tla re kaela go itebaganya le merero e e botlhokwa. Go kaya o le mongwe, re na le diphatlhatiro tsa maemo a a kwa godimo, e leng:

Molaodi wa Setheo: Tlhaeletsano ya Setheo (Moh S Letsoalo o lebogile tiro go nna le balelapa kwa Johannesburg)

Motlatsa Moreketoro wa Dithuto: Khamphase ya Potchefstroom – Khansele e sweditse gore phatlhathi e, e phasalatswe kwa ntle ga setheo  
Morejisitara wa Khamphase ya Potchefstroom (Mr S Langtry o fetotse tiro ya gagwe go nna gaufi le mosadi wa gagwe kwa Pretoria).  
Mokaedi wa Dipatlisiso mo ofisisng ya setheo (phatlhathi ka ntlha ya go ya phenšeneng.)

Ka nako eo o tla beng o buisa se, kemedi e e tla bong e dirwa ke moemedi wa khamphase nngwe le nngwe mmogo le kantorokgolo e tla be e “fitlhelela mafelo mangwe”. Re solofela fa re tla nna le maatla a go fofisa benara e ntšhwa ya NWU mo folageng ka boipelo kwa Mount Kilimandjaro!

Ka ditumediso

A handwritten signature in black ink, appearing to be 'Theuns Eloff', written in a cursive style with a long horizontal stroke extending to the right.

Theuns Eloff  
Motlatsa-Mokanseleri